

Trosolwg

Mae'r safon hon yn ymwneud â golchi a glanhau côt a chroen ci gan ddefnyddio'r cynnyrch cywir ar gyfer y math o gôt.

Mae'n cynnwys defnyddio technegau trafod addas a diogel, adnabod mathau o gotiau ac adnabod arwyddion o annormaleddau a phlâu o barasitiaid.

Eich cyfrifoldeb chi yw monitro a chynnal eich iechyd a'ch diogelwch chi, y ci a phawb sydd yn cael eu heffeithio gan eich gwaith.

Bydd angen i chi fod yn ymwybodol o'ch cyfyngiadau a chadarnhau eich bod yn bodloni'r cyfrifoldebau cyfreithiol perthnasol ar gyfer darparu dyletswydd gofal yn unol â'r ddeddfwriaeth iechyd a lles anifeiliaid perthnasol.

Mae'r safon hon ar gyfer unrhyw un sydd yn golchi ac yn glanhau côt a chroen ci.

Meini prawf perfformiad

Rhaid i chi allu:

1. gweithio'n broffesiynol ac yn foesegol ac o fewn terfynau eich awdurdod, arbenigedd, hyfforddiant, cymhwysedd a'ch profiad
2. gwneud eich gwaith yn unol â'r ddeddfwriaeth amgylcheddol ac iechyd a diogelwch perthnasol, y gofynion asesu risg, codau ymarfer cysylltiedig a pholisïau sefydliadol
3. gwneud eich gwaith yn unol â deddfwriaeth berthnasol iechyd a lles anifeiliaid a deddfwriaeth yn ymwneud ag anifeiliaid, codau ymarfer cysylltiedig, polisïau sefydliadol â'r Ddeddf Llawfeddygon Milfeddygol
4. cynnal hylendid a bioddiogelwch yn unol â chyfarwyddiadau'r gweithle, ymarfer sefydliadol â'r ddeddfwriaeth berthnasol
5. sicrhau bod yr ardal lle mae cotiau cŵn yn cael eu golchi a'u glanhau yn ddiogel, yn gadarn, yn lân ac yn barod i'w defnyddio
6. dewis, paratoi, defnyddio, cynnal a chadw a glanhau offer a chyfarpar yn unol â'r ddeddfwriaeth berthnasol, canllawiau'r cynhyrhydd a pholisïau eich sefydliad
7. dewis, gwisgo a chynnal a chadw dillad a chyfarpar diogelu personol (PPE) addas
8. dewis cynnyrch glanhau sydd yn addas ar gyfer math a chyflwr côt y ci a dewisiadau'r cleient, yn unol â chyfarwyddiadau'r gweithle
9. gwanhau cynnyrch glanhau yn unol â chyfarwyddiadau'r cynhyrhydd
10. arsylwi ac adnabod ymddygiad y ci a'i gofnodi lle bo angen
11. parhau i gyfathrebu gyda chydweithwyr a phawb sydd yn gysylltiedig â'ch gwaith, neu wedi eu heffeithio ganddo
12. trafod ac atal y ci mewn ffordd nad yw'n peryglu lles anifeiliaid, yn osgoi ymddygiad sydd yn achosi pryder o ran lles ac yn cynnal iechyd a diogelwch
13. trosglwyddo'r ci i'r bath a'i gadw mewn ffordd sydd yn lleihau straen ac yn cynnal iechyd, lles a diogelwch pawb sydd yn gysylltiedig â'ch gwaith, neu wedi eu heffeithio ganddo
14. golchi'r ci yn unol â pholisïau eich sefydliad a chyfarwyddiadau cynhyrhydd y cynnyrch
15. defnyddio dŵr ar y tymheredd a chyfradd llif dŵr cywir
16. glanhau'r gôt â'r croen mewn ffordd sydd yn lleihau trallod i'r ci
17. tynnu baw a thameidiau rhwng bysedd traed a phadiau'r cŵn

18. cymryd y camau unioni gofynnol ar unwaith os bydd y cynnyrch glanhau yn mynd i mewn i lygaid, ceg neu glustiau'r ci

19. golchi'r holl weddillion o gôt a chroen y ci lle bo angen

20.

cael gwarded ar ddŵr dros ben o gôt y ci cyn sychu gan ddefnyddio dulliau addas

21.

gwybod pan mae arsylwi'r ci yn datgelu pla posibl neu gyflwr anarferol ac adrodd am hyn wrth y person perthnasol

22. trosglwyddo'r ci i'r ardal gywir ar gyfer y weithdrefn nesaf a chadarnhau ei fod yn ddiogel ac yn gadarn

23. glanhau, sterileiddio a storio'r offer â'r cyfarpar a ddefnyddiwyd yn unol â'r ddeddfwriaeth berthnasol, canllawiau'r cynhyrhydd a pholisïau eich sefydliad

24. cwblhau cofnodion fel sy'n ofynnol gan y ddeddfwriaeth berthnasol a pholisi sefydliadol

Gwybodaeth a dealltwriaeth

Mae angen i chi wybod a deall:

1. eich cyfrifoldebau proffesiynol fel ysgrafellwr cŵn a chyfyngiadau eich awdurdod, arbenigedd, cymhwysedd a'ch profiad
2. eich cyfrifoldebau yn unol â deddfwriaeth amgylcheddol ac iechyd a diogelwch perthnasol, asesiadau risg, codau ymarfer cysylltiedig a pholisïau sefydliadol
3. eich cyfrifoldebau yn unol â deddfwriaeth berthnasol iechyd a lles anifeiliaid a deddfwriaeth yn ymwneud ag anifeiliaid, codau ymarfer cysylltiedig, polisïau sefydliadol â'r Ddeddf Llawfeddygon Milfeddygol
4. pwysigrwydd parhau i gyfathrebu gyda'r rheiny sydd yn gysylltiedig â'ch gwaith, neu wedi eu heffeithio ganddo, â'r ffordd orau o wneud hyn, er mwyn sicrhau bod gofynion y ci yn cael eu bodloni
5. pwysigrwydd cynnal hylendid a bioddiogelwch â'r dulliau ar gyfer cyflawni hyn
6. y mathau o offer a chyfarpar sydd yn ofynnol ar gyfer golchi a glanhau côt a chroen ci a sut i ddewis, paratoi, defnyddio a chynnal a chadw'r rhain yn unol â'r deddfwriaeth berthnasol, canllawiau'r cynhyrchydd a pholisïau eich sefydliad
7. y math o ddillad a chyfarpar diogelu personol (PPE) sydd yn addas ar gyfer y gweithgaredd
8. pam y mae'n bwysig arsylwi ac asesu iaith corff y ci cyn dechrau'r gwaith â'r arwyddion i chwilio amdanynt
9. ble i gael cyngor ac arweiniad yn ymwneud â golchi a glanhau côt a chroen ci
10. mathau a nodweddion cotiau'r cŵn yr ydych yn gweithio gyda nhw â'r ffordd y mae cyflwr y gôt â'r croen yn effeithio ar y cynnyrch glanhau y dylid eu defnyddio
11. y mathau gwahanol o gynnyrch glanhau sydd ar gael, sut maent yn gweithio â'r mathau o gôt a chyflyrau y maent yn addas ar eu cyfer
12. sut i fynd at yr anifail, ei drafod a'i atal mewn ffordd sydd yn cynnal lles anifeiliaid, yn osgoi ymddygiad sydd yn achosi pryder o ran lles ac yn cynnal iechyd a diogelwch
13. y dulliau diogel o drosglwyddo cŵn i mewn i'r bath a'u dal yn ddiogel
- 14.

pwysigrwydd dilyn cyfarwyddiadau'r cynhyrchydd yn ymwneud â gwanhau cynnyrch glanhau, sut i ddehongli'r cyfarwyddiadau hyn, a chanlyniadau posibl peidio â gwneud hynny

15. pam y mae'n bwysig cael awdurdodiad gan y cleient neu uwch gydweithiwr cyn defnyddio cynnyrch atal parasitiaid, o fewn terfynau rheoliad meddyginiaeth filfeddygol

16. y drefn ymolchi ofynnol a gofynion tymheredd dŵr ar gyfer y ci yr ydych yn gweithio gydag ef

17. pwysigrwydd atal toddiadau rhag mynd i mewn i lygaid, ceg a chlustiau'r ci a pham y mae'n bwysig bod y cleient yn cael ei hysbysu os bydd hyn yn digwydd

18. arwyddion trallod mewn cŵn â'r camau y dylid eu cymryd os bydd y rhain yn cael eu harsylwi

19. sut i sicrhau bod yr holl weddillion wedi cael eu golchi o gôt a chroen y ci oni bai bod cyfarwyddiadau'r cynhyrchwyr yn nodi nad yw hyn yn angenrheidiol

20. y dulliau o gael gwared ar ddŵr dros ben o gôt y ci cyn sychu a pham y mae'n bwysig gwneud hyn

21. sut i lanhau, sterileiddio a storio offer a chyfarpar yn unol â'r ddeddfwriaeth berthnasol, canllawiau'r cynhyrchydd a pholisïau eich sefydliad

22. pwysigrwydd darparu llety addas rhwng cyfnodau gwahanol o waith ysgrafellu

23. y cofnodion y mae angen eu cadw mewn perthynas â golchi ac ysgrafellu côt a chroen ci a phwysigrwydd cwblhau'r rhain yn unol â'r ddeddfwriaeth berthnasol a pholisi sefydliadol

Cwmpas/Ystod

Golchi a glanhau'r mathau canlynol o gôt ci:

1. gwlan
2. weiar
3. sidan
4. dwbl – hir a byr
5. llyfn

defnyddio'r mathau canlynol o gynnyrch:

1. siampwau arferol
2. siampwau parasitig
3. siampwau wedi eu rhagnodi gan filfeddyg
4. cyflyrwyr
5. chwistrellau cyflyru

Cynnal yr arsylwadau canlynol o'r ci:

1.
traed, ewinedd a phadiau
2.
cyflwr y clustiau
3. ceg, dannedd a deintgig
4. croen a chôt
5. parasitiaid mewnol ac allanol
6. llygaid
7. ardal yr organau cenhedlu â'r ardal dethol
8. chwarennau rhefrol

Geirfa

Deddfwriaeth gyfredol lles anifeiliaid:

- Cymru a Lloegr, Deddf Lles Anifeiliaid
- Yr Alban, Deddf Iechyd a Lles Anifeiliaid
- Gogledd Iwerddon, Deddf Lles Anifeiliaid (Gogledd Iwerddon)
- Deddf Llawfeddygon Milfeddygol

Gallai cyfarpar a dillad diogelu gynnwys:

- menig
- ffedog

Dulliau o gael gwared ar ddŵr dros ben:

- llieiniau amsugol
- tywelion
- sychwr cyflym

Golchi a glanhau côt a chroen ci

Datblygwyd gan	Lantra
Dyddiad cymeradwyo	28 Chwef 2020
Dyddiad Adolygu Dangosol	28 Chwef 2025
Dilysrwydd	Ar hyn o bryd
Statws	Gwreiddiol
Sefydliad cychwynnol	Lantra
RCU gwreiddiol	LANAC8.2
Galwedigaethau perthnasol	Ysgrafellu cŵn
Cyfes/Set	Gofal a Lles Anifeiliaid
Geiriau Allweddol	ci; golchi; glanhau; siampŵ
